



Inatsisartut suleriaasianni § 37 imm. 1 malillugu Naalackersuisunut uku apeqquteqaatigaakka:

Naalackersuisunut apeqquteqaatit:

1. Allorfiup 2016-imi pilersinneqarneraniit pinngitsuuisinnaajunnaarsimasut katsorsartinnerminni naammassinnissimasut qassiuppat?
 - a. Taakkunannga qassit uteqqiattuuppat? Uani apeqqutigaara, qassit siullermik naammassisumik katsorsartereerneramik kingorna nutaamik imaluunniit assingusumik katsorsartissimanersut.
2. Atornerluinermut katsorsartinnissamut Naalackersuisut aningaasanik amerlanerusunik akuersissuteqarnissartik naatsorsuutigaat?
 - a. Allorfiup kisimi atornerqarnera Naalackersuisut pitsaaqutinut isigaat?
 - b. Allorfiup saniatigut sullissisunik allanik atuisinnaaneq iluaqutissaqartutut Naalackersuisut isigisinnaanerpaat?
 - c. Pisortanut aningaasatigut allaffissornikkullu suut kingunerisinnaavai, Allorfiup ukiumut 5 millioner koruunit aningaasaliissutigisartagai appartikkiartuaaraluaaraanni taakkulu aningaasat katsorsaariaatsinut allanut nuullugit?
3. Allorfiup 2019-imi ukiumoortumik nalunaarusiaata oqaluttuaraa 2020-mut suliniutissatut pilersaarutit. Tassani ilaatigut erserpoq, illoqarfinni tamani piffikkaartumik katsorsaannissamut neqeroorutit annertusineqarusuttut. Suliniut taanna sumut killippa?
 - a. Taamatuttaa q takuneqarsinnaavoq, meeqqat atuarfianni klassini annerni aammalu ilinniarfeqarfiusuni allani pinaveersaartitsinernik neqerooruteqarniarthoq. Atuarfiit ilinniarfeqarfiillu suut pilersaarummut ilanngunneqarsimappat?
 - b. Qanoq sivilisutigisumik ingerlanneqarniarpa?
 - c. Taamatuttaa q takuneqarsinnaavoq, ulloq unnuarlu angerlarsimaffinni immikkut ittumik ilinniartitsinissamik neqerooruteqartoqarniarthoq meeqqat inuusuttullu aanngajaarniutinik ajornartorsiuteqartut katsorsarnissaat qulakkeerniarlugu. Meeqqat inuusuttullu qassit, aanngajaarniutinik ajornartorsiornermikkut katsorsartinnissaminnik pisariaqartitsisut ilimagineqarpat?
4. Allaffissornikkut aningaasatigullu qanoq kinguneqassava, Allorfik namminersortunngussagalarpat?

Eqqartukkamut tunngasunik allanik soqutiginaatilinnik Naalackersuisut paasissutissiisnaappat?

(Inatsisartunut ilaasortaq Anna Wangenheim, Demokraatit)

Tungavilersuut

Maani nunatsinni imigassamik hashimillu atornerluineq ajornartorsiutaavoq annertoq. Ilaqutariit avissaartuupput, atornerluinerullu kingunerisa ilagaat, meeqqat nuna tamakkerlugu inunnik paaqqinnittussaagaluartunik, sumiginnarneqartarnerat. Amiilaarnaqaaq.



Taamaattumik pingaartuuvoq, sapinngisarput tamaat imigassamik hashimillu atorneerluinerup akiorniarlugulu pinaveersaartinnissaa. Sorsuutiginninnerup taassuma maannakut atorneerluisorpassuit pitsaanerusumik inuuneqalersissavai minnerunngitsumillu atorneerluisup qaniginerpaasaanut sunniuteqartussaalluni.

Taakkuninga apeqquteqaateqarnikkut maannakut atorneerluinerup katsorsaanerup paasissutissanik katerserusuppunga, taamaaliornikkut atorneerluinerup katsorsaanerup pitsaanerusumut siunnersuuteqarnissannut tunngaveqarluarniarlunga.

Apeqqutima ullut suliffiusut qulit iluanni akineqarnissaat kissaatigaara.